

O Concello de Arteixo publica a convocatoria e as bases para o Concurso Fotográfico Arteixo Construcións de Arteixo Calendario 2023, aprobadas en Decreto de Alcaldía nº3254/2022 de fecha 4 de outubro 2022.

“BASES

CONCURSO FOTOGRAFICO “CONSTRUCIÓN DE ARTEIXO” – CALENDARIO 2023

1. OBXECTO

O Concello de Arteixo, a través da súa Concellería de Turismo convoca o Concurso Fotográfico #ConstruciónsDeArteixo, co obxecto de que as fotografías gañadoras se recollan no Calendario do ano 2023 do Concello.

2. PRAZO DE INSCRICIÓN

O prazo de presentación de fotografías iniciárase ao día seguinte da publicación destas bases na web municipal e rematará o mércores 12 de outubro de 2022 ás 23:59 h.

3. CONDICIÓN E REQUISITOS DE PARTICIPACIÓN

Para poder participar, o usuario debe ser seguidor ou comezar a seguir a páxina de Facebook <https://www.facebook.com/ConcellodeArteixoOficial> ou de Instagram <https://www.instagram.com/concellodearteixo/>

- O usuario participará neste Concurso Fotográfico a través da aplicación Easypromos subindo unha foto feita por el (ou da que teña dereitos de autoría e reprodución) na que mostre a instantánea máis orixinal/artística de calquera edificio de Arteixo (Público ou privado), indicando en que parroquia foi tomada e acompañada por un texto que explique o porqué da súa elección. As mellores imaxes formarán parte do Calendario 2023 editado polo Concello. Cada mes mostrará unha instantánea diferente, nesta edición poderá sumárselle unha máis na última páxina no caso de ter representación válida (en calidade e temática) das 13 parroquias.

- A fotografía deberá realizarse no Concello de Arteixo.

- A fotografía deberá ter calidade suficiente para ser impresa no calendario físico sen diminución de calidade. O arquivo orixinal previo a calquera edición ha de ter un mínimo de resolución de 300x200mm a 300ppp.

- As fotografías que non cumpran os requisitos anteriormente esixidos non poderán someterse a votación.

- Sen ser esixible, recoméndase o encadre horizontal das imaxes par evitar ter que cortar parte da mesma para adaptala na súa reprodución no calendario.

- A fotografía deberá ser enviada en formato JPEG, PNG ou TIFF a través do formulario ao que se poderá acceder a través da web, Facebook e Instagram do Concello de Arteixo.
- O formulario atoparase dispoñible unha vez se seleccione o botón “Participar” do concurso.
- A persoa participante encherá todos os campos do formulario de participación e todos os datos persoais que se requiran, sendo todos de carácter obrigatorio.
- A persoa participante proporcionará datos persoais exactos e postos ao día de forma que respondan con veracidade á súa situación actual.
- Quedarán automaticamente fóra de concurso aquelas obras que fosen premiadas con anterioridade noutro concurso ou certame, ou non cumpran o estimado polas presentes bases. Asemade, non se aceptarán aquelas fotografías que leven sinatura ou algunha outra marca identificativa.

4. MECÁNICA DO CONCURSO

- O concurso requirirá para a súa celebración un mínimo de 5 participantes, en caso de non alcanzalo suspenderase a súa celebración.
- A votación das imaxes realizarase a través da páxina do concurso e da valoración dun xurado composto por un profesional do mundo da arquitectura, un profesional do mundo da fotografía e un profesional do mundo da publicidade.
- A votación comporase do resultado da suma de 4 puntuacións (sendo 52 puntos a máxima puntuación posible):

1ª puntuación: dependerá da votación popular na páxina do concurso.

- A obra máis votada obterá 13 puntos
- A segunda obterá 12 puntos
- A terceira obterá 11 puntos
- A cuarta obterá 10 puntos
- A quinta obterá 9 puntos
- A sexta obterá 8 puntos
- A sétima obterá 7 puntos
- A octava obterá 6 puntos

- A novena obterá 5 puntos
- A décima obterá 4 puntos
- A undécima obterá 3 puntos
- A duodécima obterá 2 puntos
- A decimoterceira obterá 1 punto

2ª puntuación: dependerá da valoración dun profesional relacionado co mundo da arquitectura, que puntuará 13 obras con 13, 12, 11, 10, 9, 8, 7, 6, 5, 4, 3, 2 e 1 puntos.

3ª puntuación: dependerá da valoración dun profesional relacionado co mundo da fotografía, que puntuará 13 obras con 13, 12, 11, 10, 9, 8, 7, 6, 5, 4, 3, 2 e 1 puntos.

4ª puntuación: dependerá da valoración dun profesional relacionado co mundo da publicidade, que puntuará 13 obras con 13, 12, 11, 10, 9, 8, 7, 6, 5, 4, 3, 2 e 1 puntos.

- Se ningún participante obtén votos (0 votos ao final do concurso), realizarase un sorteo aleatorio a través da plataforma Easypromos entre todos eles para elixir aos 13 gañadores.

- En caso de empate entre varios usuarios coa mesma puntuación, realizarase un sorteo aleatorio a través da plataforma Easypromos entre eles para elixir ao gañador ou gañadores.

- Os nomes dos gañadores comunicaranse a través das contas en redes sociais do Concello de Arteixo, Instagram, Twitter e Facebook nos días seguintes á finalización do concurso.

- Os usuarios que participen e os gañadores aceptan que o seu nome sexa publicado nos soportes que o Concello de Arteixo estime oportunos (redes sociais e web do concello).

- Establécense 4 categorías de premios para as 13 mellores fotografías dotadas coas seguintes contías:

- 500 € (cincocentos euros) para a foto que máis puntos obteña.
- 300 € (trescentos euros) para a segunda.
- 200 € (douscentos euros) para a terceira.
- 100 € (cen euros) para as dez seguintes clasificadas.

Os premios non serán acumulables en ningún caso. No caso de coincidencia en varios premios, concederáse só o de maior importe.

Os ditos premios estarán suxeitos ás retencións que se determine pola lexislación tributaria vixente e faranse efectivos mediante transferencia bancaria aos premiados.

Con carácter previo ao outorgamento dos premios, comprobarase que os premiados propostos polo xurado están ao corrente das súas obrigas tributarias municipais, estatais e coa seguridade social e non son debedores á facenda municipal polo reintegro de subvencións.

Non poderán obter a condición de premiados as persoas ou entidades nas que concorran as circunstancias que permitan cualificalos como beneficiarios segundo o disposto no artigo 13 da Lei 38/2003 xeral de subvencións, no artigo 10 da Lei 9/2007 de subvencións de Galicia e demais normativa aplicable.

- Unha vez publicados os nomes dos 13 gañadores, contactarase con eles a través das redes sociais ou dos datos facilitados para facerlles entrega do premio.
- As fotografías gañadoras serán as que conformen o Calendario de Arteixo 2023.
- As fotografías presentadas quedarán en posesión do Concello de Arteixo e poderá utilizalas e reproducilas por calquera medio, sempre citando ao seu autor.
- O xurado resérvase o dereito a declarar os premios desertos, se o estimase oportuno.

5. DATOS PERSOAIS FACILITADOS Á ORGANIZACIÓN

A recollida e tratamento automatizado dos datos persoais, como consecuencia da participación no concurso, ten como única finalidade o correcto desenvolvemento do concurso e a comunicación dos gañadores.

Os datos persoais rexistrados pasarán a un ficheiro propiedade do Concello de Arteixo con domicilio en Praza Alcalde Ramón Dopico, 1, 15142 Arteixo, (A Coruña). O promotor declara que adoptáronse as medidas técnicas e organizativas de protección de datos conforme ao Real Decreto 1720/2007, de 21 de decembro, polo que se aproba o Regulamento de desenvolvemento da Lei Orgánica 15/1999, de 13 de decembro, de protección de datos de carácter persoal, e ao Regulamento (UE) 2016/679 do Parlamento Europeo e do Consello, de 27 de abril de 2016 relativo á protección das persoas físicas no que respecta ao tratamento de datos persoais e á libre circulación destes datos.

6. PARTICIPACIÓN DOS USUARIOS E RESERVA DE DEREITOS

O Concello de Arteixo resérvase o dereito a descualificar a calquera participante se existe calquera sospeita de uso fraudulento das ferramentas e na forma de participar no concurso. Por este motivo, poderanse tomar as medidas oportunas tales como, bloquear usuarios, descualificar contidos ou usuarios ou calquera outra acción que o Concello de Arteixo estime oportuna.

O Organizador do concurso informa que comprobará a validez dos votos recibidos polos participantes do concurso mediante a ferramenta “Índice de Fraude” desenvolvida por Easypromos. A través desta ferramenta, o Organizador poderá saber, ao finalizar o período de participación, si o participante incorrera en prácticas fraudulentas co fin de obter máis votos. Si o valor do Índice de Fraude da súa participación é igual ou superior ao 100%, o Organizador resérvase o dereito de descualificar ao participante e declarar nula a súa participación.

O Concello de Arteixo resérvase o dereito de modificación e borrado de calquera contido duplicado, erróneo, que se considere fora de contexto ou calquera outro criterio que o Concello de Arteixo crea convinte.

O Concello de Arteixo resérvase o dereito de suspender ou eliminar aquelas achegas ou comentarios que incumpran estas condicións.

A presentación de traballos neste concurso supón a aceptación íntegra das presentes bases. O incumprimento dalgún dos seus apartados levarían implícita a exclusión do concurso da obra presentada. Se as bases fosen modificadas a criterio da organización, comunicaríaselles oportunamente a todas as persoas interesadas.